

UNIVERZITET U TUZLI  
Broj: 01-4-JN-10/23 LOT 2  
Tuzla, 08.03.2023. godine

Na osnovu članova 69. stav (2) tačka d), 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-4-JN-9/23 LOT 2 od 06.03.2023. godine, po punomoći Rektorice Univerziteta u Tuzli broj: 01-2593-1/20 od 11.06.2020. godine Direktor za ekonomske poslove *donio je*

## **ODLUKU** **o poništenju postupka javne nabavke**

### **I**

Poništava se otvoreni postupak javne nabavke proizvoda od pilećeg mesa za potrebe restorana Studentskog centra Univerziteta u Tuzli (LOT 2) sa sukcesivnom isporukom sa mogućnošću zaključenja Okvirnog sporazuma sa jednim ponuđačem do 31.12.2023. godine iz razloga što nijedna od primljenih ponuda nije prihvatljiva.

### **II**

Ova Odluka stupa na snagu danom donošenja.

### **Objasnenje**

Univerzitet u Tuzli pokrenuo je postupak javne nabavke proizvoda od pilećeg mesa za potrebe restorana Studentskog centra Univerziteta u Tuzli (LOT 2) sa sukcesivnom isporukom sa mogućnošću zaključenja Okvirnog sporazuma sa jednim ponuđačem do 31.12.2023. godine putem Otvorenog postupka javne nabavke broj: 01-4-JN-2/23 od 16.01.2023. godine objavljenom na Portalu javnih nabavki „E-nabavke“ broj: 795-1-1-2-3-11/23 od 19.01.2023. godine, sažetka obavještenja o nabavci u „Službenom glasniku BiH“ broj: 6/23 od 27.01.2023. godine i web stranici Univerziteta.

U ostavljenom roku ponudu su blagovremeno dostavila dva ponuđača: „Bosna-Kom“ d.o.o. Gračanica i „Redex“ d.o.o. Banovići.

Komisija za provođenje postupka javne nabavke pregledom pristiglih ponuda konstatovala slijedeće: Planirani budžet za ovu nabavku je 7.000,00 KM bez PDV-a, ponuda ponuđača „Bosna-Kom“ d.o.o. Gračanica u iznosu od 8.400,00 KM bez PDV-a, ista prelazi planirani budžet, te shodno članu 2. tačka l) alineja 2) Zakona o izmjenama i dopunama Zakona o javnim nabavkama („Službeni glasnik BiH“ broj: 59/22), ponuda je neprihvatljiva jer cijena prelazi planirana, odnosno osigurana novčana sredstava ugovornog organa za nabavku i ponuda kao takva nije išla u dalju proceduru.

Daljom analizom Komisija je prilikom pregleda ponude ponuđača „REDEX“ d.o.o. Banovići, vezano za tehničku i profesionalnu sposobnost uvidjela sljedeće:

- na strani 15. ponuđač „REDEX“ d.o.o. Banovići je dostavio spisak izvršenih ugovora u posljednje tri godine kao dokaz za ocjenu tehničke i profesionalne sposobnosti gdje je naveo da je piletinu u komadu i rasjek piletine i proizvode od pilećeg mesa isporučivao Kupcu „Univerzitet u Tuzli“ za potrebe Studentskog centra u ukupnom iznosu od 18.644,82 KM bez PDV-a, te je u skladu sa navedenim spiskom na strani 17. kao dokaz dostavio Potvrdu izdatu od navedenog ugovornog organa odnosno Kupca. Na navedenoj potvrdi nije razdvojeno koliko je tačno nabavljeno proizvoda od pilećeg mesa i u kojoj vrijednosti, tako da Ugovorni organ nije mogao zaključiti da li ponuđač zadovoljava traženi dokaz za tehničku i profesionalnu sposobnost. Istom je dana 15.02.2023.godine upućen Zahtjev za dodatno pojašnjenje ponude u kojem se traži da ponuđač najkasnije do 20.02.2023.godine pismeno pojasni dostavljene reference, tj. da u skladu sa članom 48. stav (5) ZJN i tačkom 3.5.2. a) Tenderske dokumentacije dostavi kopije faktura i fiskalnih računa o realizovanim isporukama proizvoda od pilećeg mesa kojima dokazuje da zadovoljava profesionalnu i tehničku sposobnost. Ponuđač do određenog roka navedenom u Zahtjevu nije dostavio odgovor a niti tražene dokaze.

Takođe, Komisija je pri pregledu ponude uvidjela da se radi o istoj potvrdi, dokazu koji je ponuđač „REDEX“ d.o.o. Banovići priložio kao dokaz uz LOT1 (nabavka piletine u komadu i rasjeka piletine) i uz koju je shodno Zahtjevu Ugovornog organa dokumentovao tražene dokaze fakture i fiskalne račune. Pregledajući navedene dokaze dostavljene za LOT1, a vezano za proizvode od pilećeg mesa, utvrđeno je da ponuđač ne zadovoljava tehničku i profesionalnu sposobnost. Obzirom na navedeno, da ponuđač „REDEX“ d.o.o. Banovići nije dostavio tražene dokaze za LOT2 u ostavljenom roku, njegova ponuda se odbacuje kao nepravilna.


Shodno svemu navedenom Komisija je dala preporuku Direktor za ekonomske poslove Univerziteta u Tuzli da predmetni postupak javne nabavke poništi u skladu sa odredbom člana 69. stav (2) tačka d) Zakona o javnim nabavkama BiH iz razloga što nijedna od primljenih ponuda nije prihvatljiva.

Cijeneći izneseno Direktor za ekonomske poslove je prihvatio preporuku Komisije i odlučio kao u dispozitivu ove Odluke.

**Pravna pouka:** Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1, 75 000 Tuzla.

Prilog: Zapisnik o pregledu i ocjeni ponuda broj:  
01-4-JN-9/23 LOT2 od 06.03.2023. godine

DOSTAVITI:  
1x učesnicima  
1x a/a



DIREKTOR ZA  
EKONOMSKE POSLOVE  
*Husein Matović*  
Husein Matović, dipl. oec.